



Kommunalbestyrelsi 25. April 2018 nal. 10.00

Kommune Qeqertalik
Kommunalbestyrelsi

Hansen, Ane	IA
Olsen, Peter	IA
Sørensen, Hector Lennert	IA
Samuelsen, Aqqa	IA
Aronsen, Hans	IA, peqataanngilaq
Petersen, Thomas	IA
Kristensen, Niels	IA
Jeremiassen, Kristian	IA
Svane, Jess	S
Sandgreen, Enok	S
Mølgaard, Timooq	S
Jeremiassen, Otto	S
Jeremiassen, Nikkulaat	S
Broberg, Kristian	S
Kristensen, Naja	A

Ataatsimiinnermi aqutsisoq: Ane Hansen, IA
Allatsi: Alida C. Rafaelsen
Ataatsimiinneq: Oqarasuaatikkut

Ullormut oqaluuserisassat

18-018 Ipad-imut tunngatillugu soqutigisaqaqatigiiffimmik I/S-mik pilersitsineq aningsaliissutit aqunneqarnissaat siunertaralugu.....	3
18-019 Kommune Qeqertalimmi MISI-mik pilersitsiniarneq.....	4
18-020 Immikkut ittumik aningaasanik qinnuteqaat 300.000,-kr-nik aningaasartaqartoq. Attup tunngavilerneqarneranit ukiut 200-t nalliuttorsiutigineqarnissaat siunertaralugu.....	6
18-021 Imigassallernissamik qinnuteqaat Type A.....	7
ILISIMATITSISSUTIT	8
ATAATSIMIINNEQ NAAVOQ	10
ATSIORFISSAQ	10

Eqqartugaq	Ullormut oqaluuserisassat akuersissutigineqarnerat
-------------------	---

Ullormut oqaluuserisassanut allattoqarfiup oqaaseqaatai:

Soqanngilaq

Aalajangerneq:

Oqaluuserisassani ilisimatitsissutitut ilanngunneqarpoq ICC-mut tunngasoq.
--

Suliap nr.	18-018	Ilanng. nr.	010	Journal nr.	51.08.00
Oqaluuserisag	Ipad-imut tunngatillugu soqutigisaqaqatigiiffimmik I/S-mik pilersitsineq aningaasaliissutit aqunneqarnissaat siunertaralugu				

SULIAP SULIARINEQARNERA:

Nuna tamakkerlugu Ipad projekt pillugu soqutigisaqaqatigiit kommunit ataatsimut ingerlatseqatigiiffiannik pilersitsinissamik siunertaqalerput. Soqutigisaqaqatigiiffiup fondit aningaasaliissutaannik suliaqartuusooq. Tassalu pilersaarutigineqartut malillugit aningaasaliisarnert ingerlanneqarnissaat kiisalu projektlederimik atorfinitsitsinissaat. Taakkua suliarissuaat aningaasaliissutaasut pilersaarutaasooq malillugu tunniunneqarnissaat. Soqutigisaqaqatigiit ingerlatseqatigiiffissaat bestyrelsemi tallimanik inuttaqartussatut siunnersuutigineqarpoq, taakkualu Kommuneni tamanit aggerfigineqassasut aalajangiunneqarpoq atorfilittaninngaanniit aallaaveqassasut skoledirektøritut assigisaattulluunniit. Kommune Qeqertalimmi aqqissueqqinnermi atorfiit qulaani pineqartut aallaavineqannginnerat maluginiarneqarsinnaavoq, taamaattumillu fagchef-ip nalingani atuarfinnut ataqatigiissaarisooq qaninnerpaamik inissisimalluni. Soqutigisaqaqatigiiffik aningaasatigut imminut nammattussatut naatsorsuutigineqarpoq fondinik aningaasalersorneqartumik.

ANINGAASATIGUT KINGUNISSAI:

Aningaasatigut kommunemut toqqaannartumik sunniuteqassanngilaq, fondit aningaasaliissutaat aallaavigalugit inuttaqarlunilu ingerlanneqartussaana pissutigalugu. Taamaattoq takuneqarsin-naapput assersuutigiinnarlugu Kommune Qeqertalimmi ukiuni tallimani 18. mio kr-nit atussallugit akuerimmagit. Aningaasatigut inissisimaneq annertuumik ilanngussani takuneqarsinnaapput.

INASSUTEQAAT:

Ataatsimiititaliat INUIT kiisalu INUA-ata inassuteqaatigaa:

- Allattoqarfimminngaanniit siulersuisunut ilaasortassatut innersuunneqartoq, Atuarfinnut sunngiffimmut piorsarsimassutsimullu ataqatigiissaarisooq, Hector Lennert Sørensen akuereqqullugu

ILANNGUSSAT:

- Ilanngussaq 18-1: Ipad-selskab-med-kommentarer_19440_KAL
- Ilanngussaq 18-2: peqatigiiffinngorniarnernut tunngasooq (ilassut)

AALAJANGERNEQ:

Inassuteqaat akuerineqarpoq.

Illassutit ilanngunneqartoq soqutigisaqaqatigiiffittut I/S-itut ingerlasussatut taaneqarsimangaluartoq, peqatigiiffinngorluni ingerlanissaa akuerineqarpoq.

Suliap nr.	18-019	Ilanng. nr.		Journal nr.	
Oqaluuserisag	Kommune Qeqertalimmi MISI-mik pilersitsiniarneq				

SULIAP SULIARINEQARNERA:

Naluneqanngitsutut Qaasuitsup Kommuneata avinneqarneranut atatillugu atorfiit assignngitsut Kommune Qeqertalimmut kiisalu Avannaata Kommuneanut agguanneqartussaapput. Tassungu ilaavoq MISI Avannaa. Taamaattoq avinnissamut aqutsisoqatigiit ataatsimiinnermini 17. Oktober 2017 aalajangerpaat 2018 sulineq taamaatsinnarlugu ingerlanneqassasoq, tassalu nikisinneqarani.

Tassani toqqammavigineqarpoq, assersuutigiinnarlugu avinnermi kisitsisit aallaavigineqartut 60/40 aallaavigineqassappat psykologit pingasut avinneqassappata, ataaseq Kommune Qeqertalimmut nuutsinneqassasoq. Tamanna silatusaarnerpaanngitsoq aqutsisoqatigiit tunngavilersuuteqarnermikkut aalajangerpaat. Psykologit sulineq imaanngaangitsunik malitseqarsinnaasartooq piussappat ataasiinnarmiit amerlanerusumik peqarnissaa kissaatigineqarmat ukioq 2018 misissuinnermut atorneqassasoq aalajangiunneqarpoq.

Misissuineq Kommune Qeqertalimmi MISI-mik pilersitsinissamik tunngavissaqalernissaa anguniarneqassasoq isumaqatigiissutigineqarmat. Kommune Qeqertalimmi politikkikkut kissaatigineqartunut aamma ilaavoq namminerisamik MISI-mik peqarnissaq.

Assersuutigalugu Aasianni studenterrådgivningi Gux-ertunut annertunerusumik atorneqartartooq kiisalu qaammaavik meeqqanut inuusuttuaqqanullu atorneqartartooq minnerunngitsumillu allorfiup Aasianni pilersinneqarnissaanut atatillugu suleqatigiissutissat arlaqartut maaneereernerat pissutigalugu soqutiginarluinnarpoq Aasianni MISI-p pilersinneqarsinnaanissaanik sukumiisumik misissuinissamik atorfilltat piunaffigineqarnissaat.

Akilaartarnermut inuunerissaarnermullu isumalioqatigiisitap isumaliuummini ilaatigut meeqqanut inuusuttuaqqanullu suisissumik iliuseqartarnissamik oqariartuuteqarnera kissateqarneralu malissagaanni pingaaruteqarpoq MISI-tut ittumik qanimut suleqateqarsinnaaneq pilersitsinnaanerluunniit. Assersuutigiinnarlugu 2017-mi Kommune Qeqertalimmi Specialundervisningimut 24-t suliarineqarsimapput kiisalu immikkut ittumik annertusisamik 46-t suliarineqarsimallutik.

Atorfiit pilersinneqarsinnaanerlutak takussutissat marluk ataatungaani takuneqarsinnaapput.

MISI avannaani sulisut:

Kontorfuldmægtige	x 1		
Konsulent for spec.udv	x 2		
Psykolog	x 1		
Ledende psykolog	x 1	katillugit	x5 sulisut

MISI Kujataani sulisut

Kontorfuldmægtige	x 1		
Psykolog	x 1		
Konsulent for spec.udv	x 1		
Ledende psykolog	x 1		
Konsulent for høre tale pæd.	x 1	katillugit	x5 Sulisut

Qulaani sulisunut tunngassuteqartut takussutissatut ilanngullugit allanneqarput inuttalersuinerup qanoq isikkoqarsinnaanerani tikkuussisutut. MISI kujataani ukiumut 2.434-mio kr. Aningaasartuutigineqartarput.

INATSISITIGUT TUNNGAVIUSOQ:

- Meeqqat atuarfianni immikkut atuartitsisarneq aamma allamik immikkut ittumik perosaanikkut ikiorsisarneq pillugit Namminersorlutik Oqartussat nalunaarutaat nr. 21, 8. december 2017-imeersoq
- MISI pillugu isumaqatigiissut 1. Januar 2012-meersoq

ANINGAASATIGUT KINGUNISSAI:

Kommune Kujallerup aningaasartuutigisai tungavissatut uuttuutigissagaanni ukiumut 2.434 mio kr. annertussuseqarput. Taakkualu sulisut aningaasarsiassaanut tunngassuteqarput. Tassalu imatut paasillugu: ingerlatsinermut kiassarnermut illuutininik atuinnermut aningaasartuutit matumani ilaanngillat. Assersuutigiinnarlugu annikinnerusumik aaqqiisoqassappat soorlu 1 x psykolog 1 x konsulent taava 1.115 mio kr missaani annertussuseqassapput. Aningaasat bloktilskudet iluanni aaqqinneqartarnerat ingerlanneqartarpoq. Matumani illutatigut qanoq aaqqiissinnaaneq ingerlatsinermilu aningaasatigut suli missingersorneqanngilaq. Taamaattoq missingiunenqarsimasut 250-300 tusinde missaanik annertussueqarsinnaanerit taaneqarsinnaavoq. Aningaasat Qaasuitsup Kommunerisimasaa aallaavigissagaanni taakkua aamma qanoq aaqqiivigineqarnissaat isumaqatiginiutigineqarsinnaanerilu eqqumaffigisariaqassapput.

INASSUTEQAAT:

Ataatsimiititaliat INUIT kiisalu INUA-ata inassuteqaatigaat:

- Allattoqarfik piumaffigineqassasoq sukumiinnerusumik misissuinissaq siunertaralugu. Tamatumani Namminersorlutik Oqartussat saaffigineqassasut pilersitsinissamillu siunertaqartumik isumasiorneqarlutik oqaloqatigineqarnissaat anguniarneqassasut.

ILANNGUSSAT:

- Ilanngussaq 19-1: Ataatsimiinnermi notati 17.10.2017 Qaasuitsup avinnissaa pillugu aqutsisooqatigiit.
- Ilanngussaq 19-2: MISI pillugu isumaqatigiissut 1. Januar 2012-meersoq
- Ilanngussaq 19-3: Meeqqat atuarfianni immikkut atuartitsisarneq aamma allamik immikkut ittumik perorsaanikkut ikiorsiisarneq pillugit Namminersorlutik Oqartussat nalunaarutaat nr. 21, 8. december 2017-imeersoq

AALAJANGERNEQ:

Inassuteqaat akuerineqarpoq.

Suliap nr.	18-020	Ilanng. nr.		Journal nr.	
Qulequtaq	Immikkut ittumik aningaasanik qinnuteqaat 300.000,-kr-nik aningaasartaqartoq. Attup tunngavilerneqarneranit ukiut 200-t nalliuttorsutigineqarnissaat siunertaralugu.				

EQIKKAANEQ:

Attup tunngavilerneqarneraniit ukiut 200-t nalliuttorsutigineqarnissaat aasaru ingerlanneqartussaavoq. Tamatumunngalu tunngatillugu aningaasanik immikkut ittumik qinnuteqaateqarnissaq INUA-nut suliareqqitassanngorlugu innersuuneqarnissaa siunnersuutigineqassasoq ataatsimiititaliaq Timi Tarnilu innersuussivoq. Aningaasat annertussusaat kr. 300.000,-nik amerlatigipput. Aningaasat qanoq atorneqarnissaat pilersaarusiortunit suliareqarsimasoq qimerloorneqarsinnaavoq. Aaqqissuussassatut pilersaarutigineqartoq soqutiginarluinnartuusoq takuneqarsinnaavoq. Innuttaasut avataanniillu najuukkiartortunut nuannerluni anersaakkullu pissarsinermik kinguneqarluarsinnaasoq takuneqarsinnaammat.

INATSISITIGUT TUNNGAVIUSOQ:

- Soqanngilaq

ANINGAASATIGUT KINGUNERISASSAI:

Aningaasatigut kingunerisassai annertunerusumik Kommune Qeqertaliup aningaasaqarneranut sunniuteqarnissaat naatsorsuutigineqassanngilaq. Aningaasat missiliunneqartunit annertunerusumik aningaasartalerneqarsimasunik nuussinikkut nassaarnikkulluunniit ujartuineq ingerlanneqassammat. Taamattumillu tunngaviusumik Kommune Qeqertalimmi aningaasaqarnerup innarlerneqarnissaa ilimanaateqanngittoq oqaatigineqarsinnaavoq.

INASSUTEQAAT:

Ataatsimiititaliap TIMI TARNILU inassuteqaataa, missingersuutini pioreersuni aningaasanik nassaartoqassasoq, ataatsimiititaliap INUA-ata ataatsimiikkami aalajangernerata kommunalbestyrelsimut inassuteqaat ima allanngortippaa:

Ataatsimiititaliap INUA-ata inassuteqaatigai:

- Aningaasanik immikkut ittumik 200.000,-kr-nit taperneqassasut, taakkulu immikkut tapiissutitut tunniunneqassasut
- Aningaasanik tapiliussanik aqutsinerat kommunimiit nunaqarfimmi aqutsisut suleqatigalugit nakkutigineqassasut
- Tapiisarnermi najoqqutassanik ersarissunik sanasoqassasoq

ILANNGUSSAT:

- Ilanngussaq 20-1: Attu 200 års jubilæum 2018

AALAJANGERNEQ:

Inassuteqaat akuerineqarpoq.

Suliap nr.	18-021	Ilanng. nr.		Journal nr.	70.06.02.18
Oqaluuserissaq	Imigassallernissamik qinnuteqaat Type A				

EQIKKAANEQ:

Pisiniarfik Dora Marie, Killerpaat 28, 3950 Asiaat v/ Aron & Elionora Olsen imigassanik nioqquteqarsinnaanermut Akuersissut type A (imigassanik kimittuunik kimikitsunillu nioqquteqarneq)-mut kommunalbestyrelsemiit ulloq 4. Marts 2018 tikillugu akuersissuteqarput. Taannalu tunngavigalugu 1. Marts 2018 utaqqiisaagallartumik akuersissummik Sullissivik Aasianniit tunineqarput Kommunalbestyrelsep ataatsimeeqqinnissaata tungaanut.

Inatsit nutaaq 1. Marts 2018 atuutilerneratigut piumasaqaatit sakkortulineqarnerat peqqutigalugu suliassaq Sullissivik Asiaat piginnittut peqatigalugit suliarineqarpoq, taamaalilluni kommunalbestyrelsi inatsit nutaaq malillugu suliarisussanngorlugu.

SULIAP SULERINEQARNERA:

Piginnittut imigassallernissamik politikiliortinneqarput, aammalu sulisut tamarmik certifikatimik Naalackersuisut-nut qinnuteqaammik piniartinneqarlutik, tamarmik naammassisaannik.

Inatsit nutaaq malillugu Kalaallit Nunaata Politiivi, Aasianni Inunnik Isumaginnittoqarfik pinaveersaartitsisorlu oqaaseqaammik piniarfigineqarput, oqaaseqaataallu ilanngullugit suliassamut ingerlateqqinneqarlutik. Ilanngulluguttaaq Akileraaruseriffiup nalunaarutaa piniarneqarpoq.

ANINGAASATIGUT KINGUNISSAI:

Soqanngilaq.

INATSISITIGUT TUNNGAVIUSOQ:

Inatsisartut inatsisaat nr. 35 23. November 2017-meersoq § 3 imm. 2 , nal. § 5.

INASSUTEQAAT:

Inatsit nutaaq malillugu piumasaqaatigineqartut tamarmik naammassineqarmata, inassutigineqarpoq imigassanik kimittuunik kimikitsunillu nioqquteqarsinnaanermut qinnuteqaat akuerineqassasoq.

ILANNGUSSAT:

Ilanngussat 21-1

- Sulisut Naalackersuisut certifikat suliarisimasaat
- piginnittup imigassaq pillugu politikiliaa
- oqaaseqaatit Kalaallit Nunaata Politiiviniit
- oqaaseqaatit Aasianni Inunnik Isumaginngittoqarfimmiit pinaveersaartitsisumiillu
- Aningaasaqarnermut Naalackersuisumiit oqaaseqaat

AALAJANGERNEQ:

Inassuteqaat akuerineqarpoq.

Ilisimatitsissutit

Suliap nr.	Ilisimatitsissut
Eqqartugaq	INI A/S-ip Kommune Qeqertaliup illuutaasa allaffissornikkut ingerlakkunnaarnissaanik siunnersuut

Kristian Jeremiassen, Inuit Ataqtigiit INI A/S-ip Kommune Qeqertaliup illuutaasa allaffissornikkut ingerlakkunnaarnissaanik siunnersuuteqarpoq.

Ikaarsaariarnermik ataatsimiititaliaq ataatsimiikkami ulloq 28. November 2017 oqaluuserisami 17-010-imi pineqartoq aalajangiiffingereermassuk, siunnersuut allaffissornikkut akineqarpoq. Aaliangiunneqarmat 2018-ip ingerlanerani tingusinissaq siunertaralugu misissorneqassasoq.

Suliap nr.	Ilisimatitsissut
Eqqartugaq	Qaasuitsup Kommuniata naatsorsuutaanik matusinissaq

Naatsorsuuserinermut aningaasaqarnermullu suliaqartut torersaallutik ulappuseruttorput, Qaasuitsup Kommuniata naatsorsuutai matuniarlugit. Naatsorsuutit juni juli-utinnangu 2018 naammassineqassa-sut naatsorsuutigineqarsinnaanngillat.

Qaasuitsup Kommuniata naatsorsuutaasa naammassinissaannut suliaq ilimagisamiit annertuneruvoq. Aaqqissuussinerit suliarineqarsimasunik ilimagisamiit annertunerummata, kommuningortullu nutaat kissaatigivaat eqqortumik torersumillu aallartinnissaq. Tassani siunertaralugu oqinnerusumik siumullu isigisumik aallartissinnaaneq.

Naatsorsuutit matuneqarnissaanut pilersaarut nutaaq nassiuunneqarumaarpoq ullut 14-it ingerlanerini.

Kinguaattoornerup kingunerivai, Namminersorlutik Oqartussanut kinguaattoornermik nalunaartariaqalernerimik, tassungalu tunngatillugu naatsorsuutunik tunniussinissamut killiliussaq kinguarateqqullugu, kommunit avinnerannut inatsimmik unioqqutitsinnginnissaq siunertaralugu.

Suliap nr.	Ilisimatitsissut
Eqqartugaq	Naqiterutininik attartorneq

Ataatsimiititaliaq INUA ataatsimiikkami 18-04-2018 suliaq normulik 18-024 naqiterutininik attartornermut tunngasoq oqaluuserivaat. Oqaluuserisami inassuteqaatigineqartut uku akuersissutigivaat:

- *naqiterutit attartorneqarsimasut ilanngussaq 1-imi eqqaaneqartut pisarineqassasut, kiisalu aningaasartuutit konto 13.01-imut aningaasartuutit inissinneqassasut*
- *Naqiterutininik Namminersorlutik Oqartussat suliaqarfimmi isumaqatigiissutaanut assigusumik Kommune Qeqertalik Inu:IT-imut pisinerimut isumaqatigiissusiussasoq.*
- *Ilanngussaq 1-imi naqiterutit eqqaaneqartut konto 13-01-imi kr. 223.245-it aningaasartuutit inissinneqassasut*
- *Suliaq kommunalbestyrelsimut paasissutissatut ingerlateqqinneqassasoq.*

Inassuteqaammi piumasarineqartoq akuerineqartorlugu malillugu suliaq kommunalbestyrelsimut paasissutissatut ingerlateqqinneqarpoq.

Paasissutissaq ilanngussatut ilisarnaaserlungu 18-024 ilanngunneqarpoq.

Suliap nr.	Ilisimatitsissut
Eqqartugaq	ICC-ip aasaru Alaskami ataatsimeersuartitsinissaanut qaaqquisissut

Nunatsinni Borgmesterit tamarmiusut aasaru ICC-p Alaskami ataatsimeersuarnissaanut qaaqquneqarput. Kommune Qeqertalimmiit peqataaffigineqassalluni soqutigineqarpoq. Ataatsimeersuarnermi oqaluuserisassat ilangivaat ukioq 2022-imi ICC ataatsimeersuaqqilerpat sumi ingerlanneqassanersoq. Kommune Qeqertalik soqutiginnippoq misissussallugu Kommune Qeqertalik Aasianni ingerlanneqarsinnaasoq.

ATAATSIMIINNEQ NAAVOQ: 10:48**ATSIORFISSAQ:**

Hansen, Ane _____

Olsen, Peter _____

Sørensen, Hector Lennert _____

Samuelsen, Aqqa _____

Aronsen, Hans _____

Petersen, Thomas _____

Kristensen, Niels _____

Svane, Jess _____

Sandgreen, Enok _____

Mølgaard, Timooq _____

Jeremiassen, Otto _____

Jeremiassen, Kristian _____

Jeremiassen, Nikkulaat _____

Broberg, Kristian _____

Kristensen, Naja _____